

Morning Dogri (NSD) National News Bulletin 19-06-2025

- प्रधानमंत्री नरेन्द्र मोदी होरें अपनी पैहले-पैहली क्रोएशिया सम्पन्न करी लैती ऐ। तनाजे दे शातिपूर्ण हल्ल दा कीता आह्वान।
- भारत ते क्रोएशिया नै कृषि, संस्कृति, तकनीकी ते जगरेब विश्वविद्यालय च हिंदी दी आईसीसीआर चेयर दी स्थापना आले चऊं समझौता पत्रें पर दस्तखत कीते।
- ईरान थमां भारतीय नागरिकें गी सुरक्षत बाहर कड्डने लेई भारत नै आपरेशन सिंधु शुरू कीता ऐ।
- इजराइल-ईरान तनोतनी अमरीका दी बधदी शमूलियत कन्नै ड्रामाई अंदाज च बधी गई ऐ।
- सिक्यूरिटीज ते एक्सचेंज ओर्ड ऑफ इंडिया नै भारती वित्त बजार गी होर असरदार, समावेशी ते पूंजी निवेशकें लेई आकर्षक बनाने आस्तै केइएँ महत्वे आले सुधारें दी घोषणा कीती ऐ।

<><><><><><>

PM-Concludes

प्रधानमंत्री नरेन्द्र मोदी क्रोएशिया ते अपनी पैहली अधिकारि यात्रा सम्पन्न करियै नमीं दिल्ली लेई रवाना होई गेदे न। श्री मोदी हुदी इस यात्रा दरान केई उच्ची सतह दियां बैठकां लगियां। एह यात्रा भारत-क्रोएशिया सरबंधें च महत्वे आली नजदीकी बधाने ते भविष्य दे रणनीतिक सहयोगें लेई बुनियाद तैआर करने दा मौका साबत होई ऐ। मध्य ते दक्खन पूर्व यूरोपीय देसै दी दिन भरै दी यात्रा दरान प्रधानमंत्री होरें क्रोएशिया दे प्रधानमंत्री आंद्रेज प्लेंकोविच हुंदे कन्नै बांस्की वोरी च प्रतिनिधिमंडल स्तर दी व्यापक वार्ता कीती। दौने नेताएं संयुक्त प्रेस वक्तव्य जारी कीता। उह्दे च वैश्विक शांति, लोकतांत्रिक मुल्यें ते बपार, प्रौद्योगिकी ते संस्कृति दे खेत्तर च सहयोग बधाने दी प्रतिबद्धता व्यक्त कीती गई।

<><><><><><>

PM

प्रधानमंत्री नरेन्द्र मोदी होरें आतंकवाद दी निंदेया करदे होई इसी मनुक्खता दा दुश्मन दस्सेआ। उनें 22 अप्रैल गी पहलगाम आतंकी हमले मगरा इक जुटता आस्तै प्रधानमंत्री प्लेकोविच ते क्रोएशिया सरकार दा धन्नबाद कीता ते आखेआ जे मुश्कल समें च गै आपसी विकास ते दोस्ती दा पता लगदा ऐ। भारत ते क्रोएशिया नै 4 समझौता ज्ञापनें पर दस्तखत कीते, जेह्ड़े क्रोएशिया च कुसै भारतीय प्रधानमंत्री दी पैहली यात्रा दरान दपक्खी सरबंघें च महत्वपूर्ण गैह् ऐ। पैहला समझौता ज्ञापन राई बाई ते सरबंघी क्षेत्रें च सैह्योग पर केन्द्रित ऐ। दूआ समझौता ब'रे 2026–30 तगर सांस्कृतिक आदान प्रदान कार्यक्रम कन्नै सरबंघत ऐ। त्रीआ समझौता क्रोएशिया दे विज्ञान, शिक्षा ते युवा मंत्रालय ते भारत दे विज्ञान ते प्रौद्योगिकी मंत्रालय बश्कार विज्ञान ते प्रौद्योगिकी च सैह्योग दे कार्यक्रम दी रूपरेखा तैआर करना ऐ। भारतीय संस्कृति सरबंघ परिषद आईसीसीआर ते जगरेब विश्वविद्यालय बश्कार चौथा समझौता विश्वविद्यालय च हिंदी दी आईसीसीआर चेयर दी स्थापना आस्तै ऐ।

<><><><><><>

Op Sindhu

ईरान ते इजराइल बश्कार जारी तनोतनी ते संघर्ष दे मददेनजर भारत नै अपने बसनीकें गी ईरान थमां सुरक्षित बाहर कड्डने लेई आपरेशन सिंधु नांS दा अभियान रम्भेआ ऐ। इस सरबंघे च पैहली गैह् दे तौर उप्पर तेहरान च भारत दे राजदूती दफ्तरै 110 भारती विद्यार्थिं गी उत्तरी ईरान थमां सुरक्षित बाहर कडिड्यै उ'नें गी सुरक्षित ढंग्गै कन्नै अरमेनिया पुजाने च बी मदाद कीती ऐ। इ'नें विद्यार्थिं च जम्मू–कश्मीर दे बी किश विद्यार्थी शामिल न। बदेश मंत्रालय नै इक बयान जारी करियै आखेआ ऐ जे इ'नें विद्यार्थिं गी अज्ज आपरेशन सिंधु दे तैहत नमीं दिल्ली आहन्नेआ जाहग।

<><><><><><>

Israel-Iran

इजराइल ते ईरान बश्कार बनी दी तनोतनी होर बी बधी गोई ऐ। ईरान दे अधिकारिं दावा कीता ऐ जे इजराइल दी सेना नै त्रै हमले ते बम्बबारी करी मरने आलें दी गिनतरी बधी गोई ऐ। ईरानी अधिकारिं ते मानवाधिकार समूह दा अंदाजा ऐ जे संघर्ष शुरू होने मगरा घट्टोघट्ट 585 लोक मारे गे न ते इक ज्हार 3 सौ लोक घायल होए न।

अंतर्राष्ट्रीय परमाणु ऊर्जा अजेंसी नै तस्दीक कीती ऐ जे इजराइल दे हमले 2 सेंटरफ्यूज उत्पादन थाहरें गी सफलतापूर्वक नशाना बनाया जिंदे पर 2015 दे परमाणु समझौते तैहत निगरानी रखी गई ही। तोआई दूई भेठा अतरीका दे राष्ट्रपति डोनाल्ड ट्रंप होरें क्षेत्रें च सैन्य तैनाती बधाई दित्ती ऐ। उनें ईरान गी बिजन शर्त दे समर्पण करने दी मंग कीती।

<><><><><><>

Defence Secretary Israel

रक्षा सचिव राजेश कुमार सिंह होरें इजराइल दे रक्षा महानिदेशक मेजर जनरल अमीर बरम हुंदे कन्नै फोन पर गल्लबात कीती। सोशल मीडिया दी पोस्ट च रक्षा मंत्रालय नै दस्सेआ ऐ जे दौनें नेताएं पूर्वी एशिया च मजूदा हालात पर चर्चा कीती। एह गल्लबात इजराइल ते ईरान बश्कार बधदी तनोतनी गी दिक्खदे होई ऐ। पिछले शुक्रवारें प्रधानमंत्री नरेन्द्र मोदी होरें इजराइल दे प्रधानमंत्री बेन्जोमिन नेतन्याहू हुंदे कन्नै क्षेत्र दे हालात पर गल्ल कीती। प्रधानमंत्री होरें मजूदा हालात पर भारत दी चिंता जाहर करदे होई पच्छिम एशिया च तौले शांति ते स्थिरता बहाल करने दी जरूरत पर जोर दित्ता।

<><><><><><>

SEBI

भारती प्रतिभूति ते विनियम बोर्ड—सेबी नै कल भारती वित्तीय बजारें गी होर असरदार, समसवेशी ते निवेशकें दे हितें आला बनाने दे मकसद कन्नै महत्वै आले सुधारें दी घोषणा कीती। सेबी दे अध्यक्ष तुहिन कांता पांडे हुंदी अध्यक्षता च बोर्ड दी बैठक च एह फैसला लैता गेआ। सब्बने शा बड्डे बदनावें च इक एह जे रूटार्टअप संस्थापकें गी हून अपनिएं कंपनिएं दे आईपीओ ओने मगरा बी अपने कर्मचारी स्वामित्व योजना—ईसॉप्स गी बनाई रखने दी खुल्ल होग। एहदे शा पैहले संस्थापकें गी आईपीओ मगरा प्रवर्तक मननेआ जंदा हा ते ओ ईसॉप्स लेई पात्र नेइं ऐ। इक दुए महत्वै आले फैसले तैहत सेबी नै सार्वजनिक क्षेत्र दे उपक्रें—पीएसयू दी संवैधिक डीलिंग लेई नमें ढांचे गी मंजूरी दित्ती ऐ। जेकर शेयर धारक मंजूरी दिंदे न तां पीएसयू गी हुन शेयर बजार थमां सखल्ले हटाया जाई सकदा ऐ। मती शा मती लम्मी अवधि आली विदेशी पूंजी आकर्षित करने लेई सेबी नै विदेशी निवेशकें लेई नियमें गी बी सैहल कीता ऐ जेहडे बशेष रूपै नै सरकारी बांड च निवेश करदे न।

एह्दे बांड च जसेखिम घट्ट होंदा ऐ। सेबी नै तां करी पंजीकरण ते अनुपालन जरूरतें गी सखल्ला बनाई दित्ता ऐ।

<><><><><><>

Assembly-By Polls

चऊं राज्यें च 5एं विधानसभा सीटें दे उपचुनां लेई अज्ज मतदान होआ'रदा ऐ। गुजरात च दऊं, केरल, पच्छम बंगाल ते पंजाब च इक-इक विधानसभा सीटें लेई उपचुनां करोआए जा'रदे न। वोटें दी गिनतरी सोमवारें होग। गुजरात च विधायक करसनभाई पन्जाभाईसोलंकी हुंदे काल मगरा कड़ी सीटें लेई उपचुनां होआ'रदा ऐ। ताई विधायक भूपेन्द्र भाई गंडूभाई मयानी हुंदे स्तीफे देने करी विसावदर सीट खाली होने दी वजह कन्नै चुनां होआ'रदा ऐ। केरल च पी.वी.अनवर हुंदे स्तीफा देने की नीलांबुर सीट लेई, जिसलै के पंजाब दे लुधियाना च विधायक गुरप्रीत बस्सी गोगी हुंदे काल करी उपचुनां होआ'रदे न। पच्छम बंगाल च विधायक नसीरुद्दीन अहमद हुंदे काल करी कालीगंज विधानसभा सीटे पर उपचुनां होआ'रदे न।

<><><><><><>

IMD

मौसम मैहकमें ने अज्ज झारखंड दी बक्ख-बक्ख थाहरें पर बड़ी मती बरखा पौने दी संभावना जाहर कीती ऐ। मौसम विभाग नै गुजरात, केरल, माहे, उप-हिमालयी, पच्छम बंगाल, सिक्किम, उत्तराखंड, मध्य प्रदेश ते पूर्वोत्तर राज्यें दे किश हिस्सैं च बी अज्ज तेज बरखा दा अंदेशा ऐ। विभाग नै आखेआ ऐ जे अगले चऊं दिनें च अरुणाचल प्रदेश, बिहार, छत्तीसगढ़, राजस्थान, उत्तर प्रदेश, पच्छम बंगाल, कोंकण, गोवा, महाराष्ट्र ते ओडिशा च बक्ख-बक्ख थाहरें पर तेज बरखा दी संभावना ऐ। मौसम विभाग नै आखेआ ऐ जे मंगलवारें तगर दिल्ली, हरियाणा, पंजाब, मध्य प्रदेश, आंध्रप्रदेश ते तेलंगाना सनें केइए क्षेत्रें च गिजली गरज ते तेज हवा चलने दी बी संभावना ऐ।

<><><><><><>

Hockey

हॉकी इंडिया मास्टर्स क्लब 2025 दी शुरूआत कल चेन्नई च होई। महिला वर्ग च हॉकी कर्नाटक नै केरल हॉकी गी 7-0 कन्नै हराया। हॉकी हिमाचल आस्सेआ मैच छोड़ने मगरा हॉकी महाराष्ट्र गी 5-0 कन्नै जित्त थहोई। मर्दे दे वर्ग च हॉकी पंजाब नै ली. पुदुचेरी हॉकी गी 3-2 कन्नै हराया। जिसलै के तमिलनाडू दी हॉकी युनिट नै केरल हॉकी पर 8-0 कन्नै जित्त दर्ज कीती। महिला वर्ग च 8 टीमां हिस्सा लै'रदियां न जिंदे च ओडिशा, हरियाणा, हिमाचल प्रदेश, कर्नाटक, महाराष्ट्र, पंजाब, तमिलनाडू ते केरल शामिल न। मर्दे दे वर्ग च 11 टीमां न। प्रतियोगिता च दौनें वर्गे दे फाइनल 27 जून गी होंगन।

<><><><><><>